

## 1266-1266- OFP - Acta Capitulorum Generalium apud Treverim Celebrati

In nomine patris et filii et spiritus sancti. Amen.

Acta capituli generalis apud Treverim  
celebrati anno Domini · M° · CC° · LXVI° .

Confirmamus has constituciones. In capitulo de suffragiis mortuorum. post illud. post festum sancti Dionysii. est faciendum. addatur. anniversarium omnium sepultorum in cimiteriis nostris ubique fiat prima die post octavas apostolorum Petri et Pauli. Et hec habet · iii · capitula.

Item hanc. In capitulo de gravi culpa. ubi dicitur. ipsum possit proclamare. addatur. si quis autem de mala familiaritate notabiliter suspectus fuerit. et post admonicionem a prelato de consilio discretorum coram eisdem pluries sibi factam se non correxisse deprehensus fuerit; priori provinciali. et diffinitoribus sequentis capituli denuncietur. ut ipsi provideant ordinis honestati. Et hec habet · iii · capitula.

Item hanc. In capitulo de solempni celebracione capituli. in fine dicatur sic. capitulum autem generale ultra sabbatum infra octavas penthecostes non prolongetur. nisi ex causa rationabili magistro et diffinitoribus videatur. quod per unam diem. vel duos ad plus; debeat prolongari. Et hec habet · iii · capitula.

Item hanc. In capitulo de visitatoribus. ubi dicitur. secundum formam in electione diffinitorum. etc. usque ibi. vel plures. deleatur totum. et dicatur sic. a priore provinciali et diffinitoribus assignetur. Et hec habet · iii · capitula.

Item hanc. In capitulo de capitulo provinciali. ubi dicitur. et predicatores generales. si qui tamen qui non sunt de capitulo. in diffinitores eligantur. ad omnia acta eiusdem dumtaxat capituli; admittantur. Et hec habet · iii · capitula.

Item hanc. In capitulo de electione prioris provincialis. ubi dicitur. eligatur. si tunc fuerit celebrandum. quod si electorem vel alterum eorum contigerit impediri. antequam iter ad eundum ad electionem arripuerint; conventus alium. vel alios possit eligere loco illius qui fuerit impeditus. Idem dicimus de socio prioris conventionalis euntis ad capitulum provinciale electo. Et hec habet · iii · capitula.

Item hanc. In capitulo de electione prioris conventionalis. ubi dicitur. iuris subtilitatibus relegatis. addatur. publicato autem scrutinio. et facta collectione numeri ad numerum. si minor pars maiori consenserit. ille qui primam vocem habuit in electione prioris; sur-gens dicat. ego talis N. vice mea. et omnium electorum. eligo N. in priorem talis conuentus. vel talis provincie. si prior provincialis eligitur. Si vero non omnes consenserint. sed maior pars. tunc sicut prius. qui primam vocem habuit; dicat. ego talis pro me et pro omnibus. qui mecum consenciunt. eligo N. etc. sicut prius. Et hec habet · iii · capitula.

Item. In ordinario in rubrica de festo beati Petri. in fine dicatur sic. fiat eciam cotidie memoria. usque ad octavam diem. ad matut. per antiphonam. Petrus novus. ad vesperas per antiphonam. ad s. Petri. Et hec habet · iii · capitula.

Approbamus has. In capitulo de sollempni celebracione capituli. post illud. de consilio respondeatur. addatur. perfectis autem litteris et facta recommendacione vivorum. dicatur psalmus. ad te levavi. kyrie eleison. pater noster. cum versu. salvos fac. et oracione. pretende. etc. Et hec habet · ii · capitula.

Item. In capitulo de predicatoribus. post illud. infra · xxv · annos. addatur. nec predicit populo. nec confessiones extraneorum audiat. sine licencia prioris sui. in capitulo de consilio discretorum fratrum sibi data. Et hec habet · ii · capitula.

Item hanc. In capitulo de capitulo provinciali. post illud. de consilio diffinitorum elegerit celebretur. addatur. in provincia vero. in qua generale capitulum celebratur. poterunt diffinidores capituli provincialis eligi. antequam terminetur capitulum generale. Et hec habet · ii · capitula.

Inchoamus has. In capitulo de officio ecclesie. post illud. surgant fratres. deleatur quod sequitur. dicendo matutinas de beata virgine pro tempore. et dicatur sic. preparant se. ut cum matura festinacione ad chorum veniant.

Item hanc. In ordinario in rubrica. de officio b. virginis. ubi dicitur. preter completorium. addatur. et matutinas que legendo post matutinas de tempore sunt dicende in choro. et quidquid huic contrarium invenitur in constitutionibus. in ordinario. et breviario; magistro ordinis committimus corrigendum.

Item hanc. In capitulo de electione magistri. ubi dicitur. ad capitulum veniant generale. addatur. si vero in aliqua provincia provinciale capitulum iam fuerit celebratum. et in proximo festo penthecostes. electio magistri fuerit facienda. diffinitor capituli generalis. et socius eius sint illo anno magistri ordinis electores. In anno autem priorum provincialium. duo de diffinitoribus immediate precedentis capituli provincialis. qui primitus habitum nostri ordinis suscepserunt; ad electionem magistri ordinis admittantur. quorum antiquior sit illo anno generalis capituli diffinitor. quod si ad capitulum non venerit. vel precedentis capituli extiterit diffinitor. tunc ad diffinicionem elector alias admittatur.

Item. In capitulo de conversis. post illud. ubicumque fuerint. addatur. quociens autem dicunt. pater noster. pro omnibus horis; tocis ave Maria dicere teneantur.

Item. In capitulo de ieuniis. post illud. ab ecclesia institutis. addatur. quando festum habens vigiliam. in qua secundum ordinem est ieunandum. evenerit in secunda feria. eius vigilia in precedenti sabbato ieunetur. contraria consuetudine non obstante.

Item hanc. In capitulo de rasura. post illud. rasura vero fiat hiis terminis. deleatur totum. et dicatur sic. prima; in prima dominica adventus. deinde per totum annum de tribus in tres septimanas.

Item hanc. In capitulo de electione diffinitorum capitulo. provincialis. et generalis. post illud. per disquisitionem. deleatur totum. quod sequitur usque. voluntates. et dicatur sic. trium antiquiorum in ordine. sociorum priorum conventionalium. hoc modo elegantur.

Item hanc. In eodem capitulo. ubi dicitur. cui socius. deleatur totum usque. si vero. et dicatur sic. consimiliter elegatur.

Item. In capitulo de apostatis. post illud ubi dicitur. ad priorem locum non redeant. addatur. et novissimum locum teneant.

Item. De sanctis. Ieronimo et Ambrosio; fiat festum semiduplex. Item. De sancta Martha. fiat festum trium lectionum. et magister ordinis provideat de officio et de die.

Item. In capitulo de studentibus. post illud. ad regendum. addatur. de consilio diffinitorum capitulo provincialis.

Item hanc. In capitulo de domibus concedendis et construendis. dicatur sic in principio. numerum provinciarum secundum divisionem et ordinacionem factam a magistro ordinis confirmamus. et quicquid contrarium est in constitutionibus [a] magistro ordinis duximus corrigendum.

Item hanc. In capitulo de ieuniis. post illud. ab ecclesia institutis. addatur. et sextis feriis intus et extra.

Item hanc. In capitulo de capitulo generalissimo. post illud. nisi urgens fuerit necessitas. addatur. si autem capitulum generalissimum fieri contigerit. alia instituere vel destituere non poterit; quam que potest capitulum generale. nisi ea que a maiori parte provinciarum fuerint postulata.

Item. Concedimus quod domus sororum in Caturco. et in valle ducisse recipientur sub cura ordinis.

Item hanc. In capitulo de capitulo generali. post illud. in diffinizione procedant. addatur. et unum de se elegant canonice. qui locum magistri teneat tempore diffinicionis. et vicarius nominetur. non tamen habeat nisi unam vocem; in hiis que agenda sunt in capitulo generali.

Iste sunt admoniciones.

Mandamus prioribus provincialibus et conventionalibus. quod correctiones. et moniciones. sanctissimi patris nostri. domini pape. que in suis literis continentur. quas ad universas mittimus provincias; faciant cum omni diligentia observari.

Monemus. quod suppriores vel loca eorum tenentes. singulis annis. in singulis conventibus. in die tractatus eorum. que ad provinciale capitulum sunt mittenda. disquirant voluntates singulorum fratrum coram omnibus. de absoluzione. vel repetitione prioris conventionalis.

Item. Quod fratres non sint exequutores testamentorum. consiliarii autem poterunt esse.

Item. Cum frater aliquis mutatur de conventu ad conventum. si prior provincialis. vel conventionalis. de cuius conventu amovetur. sciunt aliquid periculoso in eo; significant priori ad quem mittitur.

Item. Fratres quibus commissa est predicacio crucis. in subsidium Terre Sancte; sint diligenter in execuione eiusdem.

Item. Fratres constitutionem de scriptis fratrum. ante examinacionem non publicandis melius observent. et priores provinciales. et conventionales; eam faciant melius observari.

Item. In quolibet conventu habeatur unus liber. in quo acta capitulorum generalium et provincialium integre conscribantur.

Admonemus et volumus. quod fratres conversi de Romana provincia advocentur ad capitulum cum campana capitulo. paucis ictibus pulsata. ab nolatore sicut fratres conversi consueverunt in aliis provinciis advocari.

Concedimus provincie Hyspanie · i · domum in regno Portugalie. Item aliam in Sede Urgillensi. si priori provinciali et diffinitoribus capitulo provincialis placuerit.

Item. Provincie Provincie unam ponendam in Albenacio. ad istanciam domini terre. scilicet domini Poncii de Monte Lauro. si priori provinciali. et diffinitoribus capitulo provincialis placuerit.

Item. Provincie Ungarie unam in Ciput<sup>1</sup>. Item. Provincie Anglie · ii · Item. Provincie Theutonie · i ·

Item. Francie · i · in Provino. Item. Terre Sancte unam ad petitionem regis Armenie in Armenia. Absolvimus priores provinciales provincie Provincie fratrem P. de Valencia. Theutonie; Dacie. Assignamus apud Coloniam; studium generale. Sentencias iudicium presentis capitulo confirmamus.

Capitulum generale sequens. assignamus apud Bononiam.

Ista sunt suffragia.

Pro domino papa. etc.

<sup>1</sup> Ciput: intelligas Zips (Comitatum in Ungaria)

Cum multe provincie pecierint divisionem provinciarum. et fratres omnes affectuose desiderent. volumus et mandamus omnibus capitulois provincialibus. ut diligenter conferant. qualiter meliori et utiliori modo possint dividi. ad pacem fratrum. et salutem animarum. et intencionem suam referant ad sequens capitulum generale.

Actis additae sunt tres litterae Clementis quarti; cf. POTTHAST II, nn. 19557, 19558, 19691; et litterae magistri ordinis; cf. app. n. XVII.